

皇居事

當時御所於外墾無跡者雖一日爭爲皇居哉遷幸大內不可及異議縱雖有一兩顛倒之門廊不可留四壁無實之離宮之故也大內閑院各有修造者御忌方事定有尋沙汰歟不限大將軍王相公家被避雖御忌之間禁忌之方非一仍驚達者也右兩條短慮之趣大概言上如此抑於天地之災異者以武略不可鎮之以威勢不可服之非佛神之利益者豈人力之所覃哉今度大震卽爲悟人心也震動忽急梁棟欲頽之時萬端之計略忘胸間三寶之冥助仰心底不遑于廻智力無由於假入功誠知拂妖之源所歸在冥衆冥衆之加護偏限德化天道福善禍淫之故也其德化之旨趣可尋意見之最要者開心腹然則宜使公卿已下諸道博士堪事之輩獻封事之由可被下宣旨也上疏深秘敢莫外聞具陳所必不可諂諛之旨殊可被仰下歟就彼上奏之趣可被議定政道之要也此法若緩者天變地妖繼踵不絕逆亂騷動舉足可待歟但德政之條若不叶時議者意見又無其益歟微臣只思國家之亂亡已忘微功之招恐者也謹抽鄙懷上聞如件

七月十二日

兼實

十三日甲午天晴自今日大將祈二壇始之普賢延命靜賢不動智詮等也又修太白星祭天文博士今廣基日泰茂來示地震事咎徵不空乎上皇攝政等慎云々法勝寺阿彌陀堂顛倒不可思議事歟十五日丙申天陰未刻經房卿來余歸家謁之世間雜事多以談說不能具記地震之間事所云叶愚案今日爲故基輔修小佛事又女房母儀尼上聊有供養佛事十八日己亥大風申刻渡居堂廓日來居所依地震損壞仍有犯土造作事之間暫所起避也大將中將同以所渡也自明日五ヶ日爲大將軍遊行之間仍東方築垣爲修補也大將軍方四十五日方違忌去之故也入夜殊風烈

〔吾妻鏡〕三壽永三年元曆正月廿三日癸丑常陸國鹿島社禰宜等進使者於鎌倉申曰去十九日社僧夢想曰當所神爲追罰義中並平家赴京都御云云而同廿日戌刻黑雲覆寶殿四方悉如向暗御殿